

無

絃

琴

譜

曩在史館繙永樂大典見有無絃琴譜不著撰人名
字讀其詞清麗和雅與玉田中仙草窗相鼓吹證以
絕妙好詞花草粹編所載及貞居蛻巖和作知爲仇
仁近詞仁近名遠一字仁父自號山村民所著有山
村集金淵集稗史式古堂書考批注唐百家詩選元
史不傳文苑不志藝文其姓名著作僅散見於他書
雖存其目類皆遺佚惟金淵集著錄

四庫其詩皆官溧陽學官時所作地有投金瀨故取
以爲名不收他什又有山村遺集則項夢昶就所見
編次而興觀集者乃曹倦圃侍郎得仁近手書詩數

十篇倦圃以興觀二字題其卷首者也二書皆掇拾殘賸非仁近之舊無絃琴譜名不經見而數百年後出之於棄擲銷蝕之餘獨完無闕光景如新尤足爲藝林瓌寶爾準錄藏篋衍未嘗示人今年長夏馮雲伯太史聞而索觀因與陸萊莊司馬校正羸補喜識真有人而賞心之不孤也遂付諸剞劂氏以廣其傳

道光九年秋金匱孫爾準敘

無絃琴譜總目

卷一

詞六十一調 附詞一調

卷二

詞五十八調 附詞二調

無絃琴譜卷一

宋錢塘仇遠山村著

梁溪孫爾準平叔校

摸魚兒 答二隱

愛青山去紅塵遠
清清誰似巢許白雲窗
冷燈花小
夜靜對牀聽雨愁不語
念錦屋瑤箏却伴閑雲住
蓮心尙苦謾自折蘭苕
苔書蕉葉都是斷腸句
鷗沙外還笑失羣鴛鴦
淒涼烟水深處碧牋空
寄江南弄鴉墨亂無行
數梅半樹悵未識佳人日
莫情誰與何時輦路共繫柳遊
羈印苔金屐湖曲步春去

前調 柳絮

集卷五十一
一
憫晴空日長無力風吹不盡愁緒馬頭零亂流光轉
粟粟巧粘紅樹閑意度似特地隨他燕子穿簾去徘徊
不語謾彷彿眉尖留連眼底芳草正如霧 冥濛
處獨凭闌干凝竚翠娥今在何許隔花簫鼓春城暮
腸斷小窗微雨休更舞明日看池萍始信低飛誤長
橋短浦恨不似危紅蒼苔點徧猶澁馬蹄駐

訴衷情

渚蓮香貯一房秋秋葉上人頭年光髣髴影偷換堪歎
不堪留 人渺渺事休休恨悠悠蓴鱸不夢也歸舟

家住滄洲

齊天樂

寄子發

暮雲春樹江東遠十年軟紅塵井雨屋酣歌月樓醉
倚還倩天風吹醒青燈耿耿算除却淵明誰憐孤影
自捲荷衣石牀高卧翠微冷山空但覺晝永舊遊
花柳夢不忍重省燕子梁空雞兒巷靜休說長安風
景丹臺路迥怎見得元都□□芳徑共理瑤笙鳳凰
花外聽

臨江仙

切

湘水曉行無酒楚鄉客久思家空城暗柳老愁芽燕
歸才社後人老尙天涯記得津頭輕別離觴愁聽

琵琶東風吹淚落鷗沙一番新雨重飛不起楊花

附和作

見蛻巖詞

張翥

搖蕩春光湖上路多情偏識倡條畫船繫在赤闌

橋花飛人別處綠暗雨休朝惱亂東風扶不起

空憐燕姘鶯嬌舞衣香冷董嬌嬈相思無限恨猶

似舊宮腰

案仇詞五十八字此六十字又一體也

糖多令

涼露濕秋蕪空庭啼螿蛄紫苔衣猶護金鋪疏箔翠
眉人不見流水急泣鰈魚恨草倩誰鋤西風吹鬢
疏問劉郎別後何如縱有桃花千萬樹也不似舊元

都

如夢令

特特問花消息結果賸紅殘白芍藥可人憐
相約茶蘼留客消得消得猶有一分春色

前調

聽盡西窗風雨又聽東隣砧杵猶自立危闌
闌外青山無語何處何處一樹亂鴉啼暮

南歌子

結屋依蒼樹開窗對碧山西湖不厭久長看
玉勒鈿車偏在六橋間露柳凝朝潤煙花斂暮
寒才經人

賞便闌殘謝柳辭花醉策瘦筇還

前調

細細金絲柳重重青黛山玉人樓上倚愁看移得淺
顰深恨上眉間淚濕紅綃薄香凝碧綺寒多情別
去未春殘歸趁海棠開後燕雙還

點絳脣

黃帽棕鞵出門一步爲行客幾時寒食岸岸梨花白
馬首山多雨外青無色誰禁得殘鷗孤驛撲地春
雲黑

前調

千里平闌水天低處山無數斷城孤樹城外人來去

欲問青鸞杳杳隨烟霧空懷古巴山何處自翦燈

聽雨

一作細聽
燈前雨

蝶戀花

碧樹殘鶻啼未歇昨夜春歸不與行人別留得綠楊
枝上月曉風吹作晴天雪 龜甲屏低紅疊疊火暖
萸煙羅薦鴛鴦熱一插寶簪雲妥貼下階先揀花枝
折

前調

深院瀟瀟梧葉雨知道秋來不見秋來處雲壓小橋

人不渡黃蘆苦竹愁如霧
四壁秋聲誰更賦人只
留春不解留秋住秋又欲歸天又暮斜陽紅影隨鴉
去

虞美人

滿城風雨銷凝處誰足潘郎句蕭蕭楊柳口凋黃醉
渡官橋瘦馬踏輕霜舊時都道遊春好不似春光
小菊花過了海棠來定是催歸錦字不須開

阮郎歸

教他雙燕意循循隔湖楊柳深芹香泥滑趁新晴差
池來往頻春浪暖綠無痕醒人也醉人斷橋日落

水雲昏歸舟个个輕

前調

桃花坊陌散香紅
捎鞭驟玉驄
官河柳帶結春風
高樓小燕空
山曉藹草蒙茸
江南春正濃
王孫家在畫橋東
相尋無路通

渡江雲

流鶯啼怨粉嫩寒著柳語尙困
東風問荒垣舊蘚煙
雨何時濺淚瘵危紅愁不盡
對亂花芳草茸茸嗟綺塵漂零無定
綃幕燕巢空
忽忽玉鑾聲杳繡屋香銷
設精神入夢記舊家定場聲
價曾冠深宮香魂彷彿

佛留環珮正淡月春霧朦朦花影底長年恨鎖雲容
卜筭子
疎樹小花風別浦殘鷗雨不是王孫忘却歸草沒歸
來路空積瑣窗塵誰按瓊簫譜暗把金錢卜遠人
爭敢分明語

眼兒媚

謝家池館占花中微雨濕春風艷紅脩碧濃香疎影
浮動簾櫳嬌娥聚翠尋春夢衣上淚痕重閑窗愁
對金籠鸚鵡彩帶芙蓉

前調

傷春情味酒頻中困倚小屏風寶釵斜插懶來梳洗
懶出簾櫳雲鬟鬢髮嬌無力此醉不禁重分明彷彿
未央楊柳太液芙蓉

謁金門

但病酒愁到清明時候不爲吟詩應也瘦坐久衣痕
皺會約花間攜手空憶洛陽耆舊道不相逢還却
又海棠開斷勾

南鄉子

急雨漲潮頭越樹吳城勢拍浮海鶴一聲蒼竹裂扁
舟輕載行雲壓水流獨倚最高樓回首屏山疊疊

秋江上數峯人不見沙鷗曾識西風獨客愁

醉江月 梅和彥國

探春消息覺南枝開遍北枝猶闕越女娉婷天下白
堪與冰霜爭潔孤影稜稜晴香楚楚水月成三絕行
雲不動素波輕浣塵襟 回首雲裏關山玉龍吹怨
似替人幽咽溪上園林應滿樹一徑莓苔繫折金馬
疎籬玉堂茅舍終是風光別尋花欲語對花却又無
說

前調

片雲凝墨看荷花纔濕依然無雨水檻空明人少到

恰恰幽禽相語曲几橫陳長琴高掛自奏南風譜俄
聞刀尺隔窗人翦霜苧因念西子湖邊鬧紅一舸
曾宿鴛鴦浦翠羽不傳滄鳥信日暮閑情口與懶拂
鸞牋懶拈象管繡句同誰賦孤鴻程杳夕陽低下平
楚

玉蝴蝶

獨立軟紅塵表遠吞翠霧平挹紋瀾草長西垣生怕
隔斷雙鬢樹稍明夕陽未冷菱葉靜新雨初乾倚闌
干一聲鶯管人影高寒休尋王孫桂隱白雲雞犬
曾識劉安羽扇綸巾不知門外有人間袖素手懶招

黃鶻寫碧箋空寄青鸞且盤桓聽風聽雨山北山南
前調

野樹昏鴉歸盡素烟如練低罩平蕪斷壁飛樓紅翠
似有還無女牆矮月籠粉雉娃館靜塵暗金鋪問清
都廣寒仙子別後何如 愁予十年夢境淺歌短醉
總是歡娛寂寞秦郎不堪離鏡照鸞孤記曲逕共攜
素手向閑窗頰撚吟鬚怕西湖少年遊伴說著當初

金縷曲

仙骨清無暑愛蘭橈撐入鴛波錦雲深處休唱采蓮
雙槳曲老却鷗朋鷺侶筭只有青山如故舊雨初晴

新水漲畫橋低杳靄迷蒼渚頭戴笠日亭午
獨醒耿耿空懷楚渺愁予岸芷江離尙青青
石錦瑟謾彈斑竹恨難寫湘妃怨語悵誰與
孤芳爲主流水無聲雲不動向漁郎欲覓桃
源路船尾帶落花去

霜天曉角

綺帷高揭風動流蘇結與在夜涼多處蘭
燼短半明滅 醉微香未絕紫簫聲乍歇聲
入碧雲堆裏還起舞桂花月

浪淘沙

芍藥小紗窗睡碧茸長粉香猶浣舊時妝
玉佩丁東

仙步遠好處難忘 草草賦高唐終是荒涼涼蟾飛
入合歡牀爭得花陰重解后纔不思量

燭影搖紅

次韻

中酒情懷怨春羞見桃花面王孫別去草萋萋十里
青如染不恨梨雲夢遠恨只恨盟深交淺一般孤悶
兩下相思黃昏依黯 樓倚斜陽翠鸞不到音書遠
綠窗空對繡鴛鴦口縷憑誰翦知在新亭舊院杜鵑
啼東風意懶便歸來後也過清明花飛春減

生查子

飛塵入建章樂事難重見白髮故宮娃閑說沈香燕

霓裳秋夢寒□散粘冰片螢火起庭紗猶憶輕羅扇

醉落魄

水西雲北錦苞泣露無顏色夜寒花外眠雙鶻莫唱
江南誰是鷓鴣客薄情青女司花籍粉愁紅怨啼
鬢急月明倦聽山陽笛渺渺征鴻千里楚天碧

江神子

雲階步影夜淒涼采丹房宿芽黃萬粟千螢風露四
欄香歌斷小山枝上月環珮冷怯流光年時金屋
罩琴牀憶情郎淡梳粧笋玉春纖授藥細浮觴愁夜

滿城分舊雨分付菊自重陽

八聲甘州

斂雙蛾冷雨立氈車離思上清楓想天階辭輦長門
分鏡征騎西東應被嬋娟早誤誰遣出深宮鸞袖不
堪縮前事成空 獨掩琵琶無語恨主恩太薄淚臉
彈紅又爭如漢月深夜照簾櫳草青青年年歸夢筭
北來應自有征鴻還堪笑玉關何事不鎖春風

清平樂

寒泉如線莎石錦雲軟十里梅花春一片不記入山
深淺 謾留兩袖春風羅浮舊夢成空獨對闌干明

月教人猶憶山中

前調

苑秋涼早石徑幽花小霜絮飛飛風草草翠碧爛斑
馳道香溝詩葉難尋依然綠淺紅深倚竹空歌黃
鵠誰招青塚游雲

塞翁吟

短綠抽堤草芳信未許花知尙留凍梗冰枝蘚石雪
消遲方塘水淺鴛鴦冷沙際水翼相依拾翠約踏青
期終是樂遊稀相思江南遠漁沙渺渺還是梅
花謝時有多少舊愁新恨縱羅虬妙曲風流怎比紅

兒何時再得畫鷁搖春豐樂樓西

前調

柳風

柳風疑當作風柳

吹殘醉推枕夢便難尋小院靜曲屏

深翦不斷輕陰新蠶乍掃鷲毛細織手鏤葉如針又
負了賞花心聽高樹鳴禽 千金嗟難買飄紅墜粉
怕容易愁痕暗侵但惜取嬋娟好在任千里杳杳鴻
迷渺渺魚沈相如未老盡把衷腸分付瑤琴

憶舊遊

憶寒烟古驛淡月孤舟無限江山落葉牽離思到秋
來夜夜夢入長安故人翦燭清話風雨半窗寒甚宦

海漂流客羶寂寞忍說間關 征衫賦歸去喜故里
西湖不厭重看莫待青春晚趁鶯花未老覓醉尋歡
故園更有松竹富貴不如閑却指顧斜陽長歌李白
行路難

前調

對庭燕黯淡院柳蕭疏還又深秋正一星燈暗更一
聲雁過一點螢流合成一片離思都在小紅樓想撲
地陰雲人愁不盡替與天愁 酸風未應口雨菽菽
瀟瀟欲下還收憶繡幃貪睡任花梢晨影移上簾鈎
被池半捲紅浪衣冷覆熏篝怎忘得江南風流庾信

空白頭

小秦王

眼溜秋黃臉暈霞寶釵斜壓兩盤鴉
分明認得蕭郎是伴凭闌干喚賣花

前調

水拍長隄沒軟沙菰蒲深處釣魚家
罾頭免得粘風絮船尾依然帶落花

玉樓春

月墮觚稜寒鵲起露拭秋空清似水
西風昨夜過江南紅葉黃蕪三四里
香蓴先近幽人齒斷杵偏來

征客耳滄洲無路送將歸
□ 疊楚山青夢裏

八拍蠻

翠袖籠香醒宿酒銀屏汲水淪
新茶幾處杜鵑啼
莫雨來禽空老一春花

好女兒

恨結眉峯兩抹青濃不忤人
昨夜會中酒甚小蠻綠
困太真紅醉肯嫁東風
無奈游絲墮藥盡日
□ 逐飛蓬把西園鬪草芳期阻
怕明朝微雨庭莎翠滑濕
透蓮弓

桃源憶故人

苧蘿山下花藏路只許流鶯來去吹落梨花無數香
雪迷官渡 浣紗溪淺人何許空對碧雲凝暮歸去
春愁如霧奈五更風雨

憶悶令

岸柳絲絲青尙淺漸春歸吳苑繚垣不隔北屏愛翠
深紅遠 瞥地飛來何處燕小烏衣新翦想芹短未
出香泥波面時時點

極相思

雲頭灰冷金彝墨客揮犀無名氏詞彝字當押韻呂
謂老蔡伸吳文英陸游皆然此恐有
熏透茜羅衫可人猶帶紫陌青門珠淚斑斑 自

根移根無宿土紅姿減綠意闌珊有誰知我花明眼
暗如霧中看

少年遊

釵雲垂耳未勝冠私語別青鸞露帳銀牀海棠睡足
偏稱晚來看一年一夢青樓曲香淺被池寒却聽
西風小窗殘雨紅葉滿長安

燕歸來

三疊曲四愁詩心事少人知西風未老燕遲歸巢冷
半乾泥流紅記回文字除燕知誰能計一作燕子
舊時曾記
一聲恰到畫樓西雲壓小鴻低

睡花陰令

愁雲歇雨淨洗一奩秋霧枝上鵲欲棲還起曲闌人
獨倚 持盃酌月月未醉笑人先醉忘醉倚木犀花
睡滿衣花影碎

望仙樓

九仙山曉霧冥冥一鶴飛來華表銜得紅雲花鳥雙
蒂仙桃小 破甕旋汲香泉短鏹閑鋤春草愁種愁
深多少頭白鴛鴦老

小闌干

苔箋醉草調清平鴉墨濕浮雲霓裳步冷瓊簫聲斷

舊夢關心 小喬不戀周郎老翠被摺秋痕那堪門
外黃花紅葉細雨更深

愛月夜眠遲

小市收燈漸杳聲隱隱人語沈沈月華如水香街塵
冷闌干鎖碎花陰羅幃不隔嬋娟多情伴人孤枕最
分明見屏山翠疊遮斷行雲 因記款曲西廂趁凌
波步影笑拾遺簪元宵相次近也沙河簫鼓恰是如
今行行舞袖歌裙歸還不管更深黯無言新愁舊月
空照黃昏

花心動

醒眼明霞間染成晴隄幾分秋色膩困未醒欲語還
羞掩映霧籠煙冪豔姿相亞柔枝委恁嬌倚西風無
力只疑是彩雲散影誤留仙魄 不見芳卿信息但
曉沁嫣紅雨濕輕白落日光中窺影橫塘恰似試妝
脉脉芳心空有韶華想忍拚與清霜狼籍鴈聲裡丹
楓伴人淚滴

薄倖

眼波橫秀乍睡起茸窗倦繡甚脉脉闌干凭曉一握
亂絲如柳最惱人微雨慳晴飛紅滿地春風驟記帕
摺香綃簪敲涼玉小約清明後 昨夢行雲何處應

只在春城迷酒對溪桃羞語海棠貪困鶯聲喚醒愁
仍舊勸花休瘦看釵盟再合秋千小院同攜手迴文
錦字寄與知他信否

風流子

紅錦舊同心西池上曾與繫青禽記山水寫情秋桐
促軫鴛鴦縈恨春繡停針常歎好風妨畫扇明月墜
瑤簪短夢易殘一聲長笛新愁無恨何處孤砧香
奩依然在但鸞鏡孤影渺渺難尋雨後臙脂應想粉
蝕塵侵帳去帆漸杳魚鱗浪淺遠牋難寄鴻尾雲深
回首高樓不堪煙雨平林

清商怨

黃花丹葉紺草染恨西園曉夢度秦樓孤鴻雲影倒
連環舊約忘了應記綠珠嬌小莫翦迴文玉關人
未老

臺城路

海棠纔試春光小西風便吹秋去白石粼粼丹林點
點裝綴東臯南浦清游頓阻謾空有園林可無鐘鼓
一曲庭花隔江誰與問商女離懷渾似夢裡碧雲
猶冉冉佳人何處越岫雞盟秦樓燕約爭奈年華已
暮凭高弔古筭只有梅花伴人淒楚極目天長淡霞

明斷雨

醉公子

曉入蓬萊島松下
鋤瑤草貪著碧桃花
悞遊金母家
一酌窪尊露醉失歸來
路不見董雙成
隔花聞笛聲

嘉興馮登府覆校

無絃琴譜卷二

宋錢塘仇遠山村著 梁谿孫爾準平叔校彙

臺城路

畫樓西送斜陽下不隨逝波東去野曠莎長山空木
短零落紅衣南浦遊雲路阻便魂斷蒼梧怨絃誰鼓
空采江蘼□□□□弔湘女 迢迢千里萬里碧天
空雁信傳意無處翠袖閑籠珠幃怨卧幾度黃昏□
暮相思自古悵獨客三吳故人三楚懶話巴山翦燈
同聽雨

慶春宮

江影涵空山光浮水畫樓直倚東城落葉聲稀歸鴻
聲香晚風却遞鐘聲去天咫尺祇疑是齊雲摘星闌
干凝佇愁見垂楊烟絮縈縈官梅冷笑相迎怕繁
枝容易凋零因念吟仙鶴去斷橋誰賦疎清染雲如
黛這雪意看看做成有誰知得庾信閑愁陶令閑情
此詞用周美成清真詞原韻則必依周舊譜可知今
以周詞稍校換頭第二句少一字因念吟仙鶴去一
句少二字且當分作四字兩句然
詞意已足或山村意為變通歟

陽臺怨

月明如白日遮徑花陰密密未見黃雲襯襪來空伴
花陰立 疑是碧瑤臺不放綵鸞飛出隱隱隔花清

漏急一巾紅露濕

夢江南

花霧濕黯黯覆庭蕪
十二闌干空見月
誰教涼影伴人孤
素被帶香鋪
情荏苒金屋又笙竽
天際有雲難載鶴
牆東無樹可啼烏
春夢繞西湖

巫山一段雲

王氏樓

酒力欺愁薄
輕紅暈臉微
雙鴛誰袖出
青閨剗襪步東西
倦蝶栖香懶
雛鶯調語低
釵盟惟有燭花知
半醉欲歸時

憶秦娥

秋乍覺露涼頓覺羅衾薄羅衾薄黃昏庭院水風簾
幕 闌干待月花時約愁長夢短渾忘却渾忘却南
山猿鶴北枝烏鵲

八犯玉交枝

招寶山
觀月上

滄島雲連綠瀛秋入暮景欲沈

絕妙好詞作邵
沈詞綜詞譜同

洲嶼

詞綜作洲渚絕
妙好詞與此同

無浪無風天地白聽得潮生人語擊

空孤柱翠倚高閣憑虛中流蒼碧迷煙霧惟見廣寒

門外青無重數

遙想貝闕珠宮瓊林玉樹不知還

是何處

詞綜詞譜作不知是水是山不知是樹漫漫
知是何處絕妙好詞作不知是水不知是山

是樹漫漫知是何
處當從詞綜爲正

倩誰問淩波輕步謾凝睇

絕妙好
詞作凝

作詞綜詞
諧與此同
乘鸞秦女想庭曲霓裳正舞莫須長笛吹
愁去怕喚起魚龍三更噴作前山雨

夜行船

十二闌干和露倚銀潢淡玉蟾如洗萬籟無聲織雲
不染目斷楚天千里自把黃花閒數藥空招隱湘
君山鬼古劍埋光孤燈倒影咄咄樹猶如此

薦金焦

梅邊當日江南信醉語無憑準斜陽丹葉一簾秋燕
去鴻來相憶幾時休

思佳客

落盡殘紅雨乍收
新篁靜院叫鞦韆
柳絲輕拂闌干角
怕引閑愁懶上樓
春淡淡水悠悠
綺窗曾爲牡丹留
轉頭千載真成夢
贏得春風一枕愁

前調

日影扶花一萬重
秋香閣下又芙蓉
舊時楚楚霓裳曲
移入長楊短柳中
文鸞碧朵牆紅
金與蒼鼠玉華宮
行人忍聽啼鳥怨
笛裏闌干落葉風

鳳棲梧

燕燕樓空簾意靜
露葉如啼紅沁
臙脂井淺約深盟
期未定木犀風裏鴛鴦徑
楚岫秦眉相入映
私倚

雲闌淡月籠花頂
今夕蘭缸空弔影
繡衾羅薦餘香
冷

秋藥香

三徑歸來秋早
門外金鋪誰掃
東籬不種閑花草
惱亂西風未了
霜華侵鬢淵明老
南山曉啼紅怨綠
駉駉少自采落英黃小

解連環

綺疏人獨記芙蓉院
宇玉簫同宿尙隱約屏窄山多
○衾暖浪浮帳香雲撲步襪蹠然又何處秦箏金屋
○柔簪易折破鏡難留斷縷難續
斜陽謾窮倦目

甚天寒袖薄猶倚脩竹待聽雨閑說前期奈心在江
南人在江北老却休文自笑我罾圍如束莫思量尋
花傍柳舊時杜曲

雪獅兒

梅

武林春早乘興試問孤山枝南枝北見說椒紅初破
芳苞猶綠羅浮夢熟記曾有幽禽同宿依稀似縞衣
楚楚佳人空谷 嬌小春意未足甚嬌羞怕入玉堂
金屋誤學宮粧粉額蜂黃輕撲江空歲晚最難是舊
交松竹忒幽獨笛倚畫樓西曲

附和作

見貞
居詞

張雨

含香弄粉便勾引游騎尋芳城南城北別有西村

一作林

斷港冰澌微綠孤山路熟伴老鶴晚先尋宿

怕凍損三花兩葉寒泉幽谷 幾番花影濯足記

歸來醉卧雪深平屋春夢無憑鬢底鬧蛾爭撲不
如圖畫相對展官奴風竹挑黃獨自聽瓶笙調曲

探芳信

坐清晝記步幄行春短亭呼酒恨湔裙香遠波痕尙
依舊赤闌橋下桃花觀寒勒花枝瘦轉回廊古瓦生
松暗泉鳴甃 山雨夜來驟便綠漲平隄雲橫遠岫
細認沙頭還見有落紅否楊花自趁東風去空白鴛

鴛首勸遊人莫把驕驄繫柳

鎖窗寒

小袖啼紅殘茸唾碧染愁如織閑愁不斷冉冉舞絲
千尺倚脩篔袖籠淺寒望人在水西雲北想綠楊影
裏蘭舟輕艫赤闌橋側遊劇歸來恨汗濕酥融步
慳襪窄蘭情蕙盼付與棲鸞消息奈無情風雨做愁
帳燈閃閃春寂寂夢相思一枕巫山更畫樓吹笛

一寸金

樓倚寒城隔岸江山見東越望遠紅千尺游絲起舞
空青一段斜陽明滅孤樹秋聲歇霜枝裊尙留病葉

闌干外帶郭人家蜂房幾盤摺 我獨逍遙乘虛凭
遠天風醒毛髮問西窗停燭誰吟巴雨連牀鼓瑟誰
彈湘月消得青鸞下分明是絳臺紫闕何時約姑射
仙人試手同翦雪

聲聲慢

藏鶯院靜浮鴨池荒綠陰不減紅芳高卧虛堂南風
時送微涼遊鞦韆踐香未徧怪青春別我堂堂閑裏好
有故書盈篋新酒盈缸 只怕吳霜侵鬢嘆春深銅
雀空老周郎弱絮沾泥如今夢冷平康翻思舊遊踪
跡認斷雲低度橫塘離恨滿甚月明偏照小窗

越山青

四月時五月時柳絮無風不肯飛
卷簾看燕歸
雨
淒淒草淒淒及早關門睡起遲
省人多少詩

尾犯

雷中

寶蠟夜籠花不礙畫樓無限清景
病葉分秋翦愁桐
金井銀漢外塵飛不到暮雲收
瑠璃萬頃弁山橫翠
好倩西風送上江心鏡
霓裳空楚楚釣天舊夢難
省最憶嬋娟釵細香冷
釵細句少一字疑脫誤
欲高跨嬌鸞歸
去又還愁鳥啼酒醒獨思前事
夜永誰問相如病

兩同心

蹋青歸後小步西園翠袖薄新篁難倚綠窗潤弱絮
輕粘春風急暮雨淒然早聽啼鵲憶昔幾度湖邊
款曲花前約俊客同傾鑿落看遊女同上秋千春無
主落日低煙芳草年年

瑤花慢

雪

疎疎密密漠漠紛紛乍舞風無力殘磚斷礎才轉眼
化作方圭圓璧非花非絮似騁巧先投窗隙立小樓
不見青山萬里鳥飛無跡休憐凍梗冰苔筭蜚入
園林都是春色年華婉婉誰信道老却梁園詞客踏
青近也且一白何消三白把一白分與梅花要點壽

陽粧額

附和作

見貞
君詞

張雨

篩冰爲霧屑，玉成塵借阿婆風。力千巖競秀，怎一夜換作連城之璧。先生閉戶，怪短日寒催駒隙，想平沙鴻爪成行似醉時書迹。未隨埋沒雙尖便，淡掃蛾眉與鬪顏色。裁詩白戰，驢背上默取灞橋吟客，撚鬚自笑儘未讓諸峯頭白。看洗出宮柳梢頭，已借淡黃塗額。

破陣子

柳浪六橋春碧，香塵十里花風。好是爛遊濃醉後，畫

□闌干見小紅紅明綠暗中
窈約漏金門道紗籠
畢竟相逢只恐入城歸路雜便轉頭樹北雲東侯門
深幾重

鳳凰閣

晴綿欺雪撲撲紅樓錦幄小蜻蜓載水花泊猶記橫
波淺笑香雲深約甚可怪匆匆忘却 尋芳人老那

得心情問著鴈程不到怨無託還又月笛幽院風燈

疎箔謾傍竹寒籠翠薄

案詞律載兩體並六十七字此多一字首兩句應九字

歸田樂

畧約橫溪曲映帶短莎脩竹傍岸誰家屋愛水護遙

碧林擁深綠呼布穀東里西鄰纔一簇 社鼓初鳴
春酒熟長衫方帽翁醉扶黃犢斷霞倦鵲未晚先爭
宿門外月明山六六

解佩令

淺莎深苑流螢暗度問霜紈藏在何處一自西風亂
剪剪枝頭紅露怕因循綵鸞塵蠹 歌臺香散離宮
燭暗謾銷凝凌波微步最怕黃昏小樓外零雲殘雨
把相思 六青燈訴

河滿子

舞禱行雲襯步歌紈片月生懷歌殘舞罷花困軟凝

情猶小徘徊鬢滑頻扶墮珥裙低畧露弓鞋 當日
凝香清燕慣聽八拍三臺謝娘荀令都老匆匆好夢
驚回閒指青衫舊淚空連半股鸞釵

夏滯子

揀花風都過了冷落綠陰池沼春草草離離離人
歸未歸 暗魂銷頻夢見依約舊時庭院紅笑淺綠
翠深東風不自禁

慶清朝

山東灘聲月移石影寒江夜色空浮丹青古壁風旛
橫卧東流小樣載雲輕棹湖痕漸落葑泥稠津亭外

金系五言 卷二
隔船吹笛喚起眠鷗 非但子愁渺渺料那人應自
有一襟愁霜棲露泊容易吹白人頭漠漠荻花勝雪
從尋靜岸畧移舟留閒耳聽鶯小院聽雨西樓

一落索

盡日西關凭醉新寒難睡袖爐烟冷帳雲寬倩倩
先溫被 空對短屏山水清清無寐却思十里小紅
樓應不報平安字

琴調相思引

鴉墨斜行印粉香倚樓凝望過鴻將寸心天遠月冷
夢浮湘 題恨謾留詩葉小合歡空戀舞衣長舊愁

千斛深淺倩誰量

生查子

釵頭綴玉蟲耿耿東窗曉京洛少年遊猶恨歸來早
寒食正梨花古道多芳草今夜試青燈依舊春花

小

合歡帶

效柳體

令巍巍一段風流看情性忒溫柔記得河橋曾識面
兩凝情欲問還羞沈吟半晌蟬歛舞鬢鶯澁歌喉到
黃昏飲散口雖未語心已相留 紗窗低轉紅袖同
攜隨花歸去秦樓酒力難禁花易軟聚眉峯點點清

愁嘆人笑語朦朧嬌眼髮髻扶頭醒來時月轉西廡
隔窗猶聽筓篔

鷓鴣天

家住銀塘東復東赤欄橋下笑相逢春風萱蕙抽新
綠夜雨茱萸濕老紅鷓鴣散水天空綺窗昨夢已
無踪月昏雲淡莎汀小簾影重重花影重

前調

東壁誰家夜擣砧荆江流滯客偏聞三三五五瀟湘
雁飛盡南雲入北雲人獨自月黃昏青燈紅蕖落
纈紛野篔謾白秋蕭索無雨無風也閉門

前調

霜醉秋花錦覆隄西風一舸小橋西閑將窗下紅蘭
夢寫入江南白苧詞芳緒斷舊遊非空遺香墨濕
烏絲碧雲冉冉無窮恨只有山陽短笛知

滿江紅

脂雨

一作桃雨

東流覺春去綠陰如幄嘗記得桃花碧徑

自怜幽獨日暮碧雲空冉冉摘花小袖猶依竹望江
南草色欲連天人江北誰共翦西窗燭誰共度西
園曲甚采香情懶楚騷誰續海遠休尋雙燕信夜長
爭忍孤鸞宿夾紵籤曾有舊題詩燈前讀

浣溪沙

鴉墨鴛茸暗小窗
梔花時遞淡中香
何須華屋豔紅粧
權月涼篩金鎖碎
牀琴清寫玉丁
當風車閑倚在回廊

前調

薄薄梳粧細掃眉
鬢鴉雙疊嶺雲低
對人濃笑問歸期
荀令老來香已減
謝娘別後夢應迷
一番心事只春知

前調

紅紫粧林綠滿池
遊絲飛絮雨依依
正當穀雨弄晴

時 射鴨矮闌蒼蘚滑畫眉小檻晚花遲一年彈指
又春歸

前調

荳蔻枝頭冷蝶飛荼蘼花裏老鶯啼懶留春住聽春
歸 北海芳樽誰共醉東山遊屐近應稀小窗寒草
送春歸

西江月

猶記春風庭院桃花初識劉郎綠腰傳得舊宮腔自
向花前學唱 錦瑟空尋小袖翠衾尙帶餘香一番
拈起一思量又是桃花月上

前調

楚塞殘星幾點關山明月三年長亭猶有竹如椽可
惜中郎不見折柳新愁未歇落梅舊夢誰圓何人
吹向內門前一片鷓鴣清怨

前調

漠漠河橋柳外愔愔門巷燈初笙歌飲散醉相扶明
月伴人歸去娃館深藏雲木女牆斜掠烟蕪水天
空濶見西湖鶴立夜寒多處

前調

暗柳荒城疊鼓小花靜院深燈年年寒食可曾晴今

夜晴猶未穩 荳蔻梢頭二月杜鵑枝上三更春風
知得此時情吹動秋千紅影

前調

小立畫橋西畔仙車騫送香風多情問我太忽忽疑
似當年小宋 須識蓬山不遠梨雲路杳無踪覺來
斜月隔簾櫳不是相逢是夢

滿庭芳

寒雨無情陽春如客晚風綠盡繁枝落紅堆徑小檻
立移時樂事不堪再省吳鄉遠愁思依依誰家燕斜
穿繡幕輕惹畫梁泥 還知人寂寞慙慙軟語來說

差池怕王孫歸去芳草離離倚翠屏山夢斷無心聽
啼鳥催歸何時向溪流練帶一舸載鴟尾

減字木蘭花

雞兒畫曲處處箏箏鳴雨屋十載重遊柳外啼鳥也
怨秋粉楹醉墨燕去樓空人不識醉蹋花陰錯認
人家月下門

前調

三生杜牧慣識小紅樓上宿壓帽花斜醉跨門前白
鼻騮歸來尋睡懶撥熏爐溫素被兩袖香塵肯信
春風老得人

前調

一番春夢惱人更下瀟瀟雨花片紛紛燕子人家都
是春莫留春住問春歸去家何處春與人期春未
歸時人未歸

木蘭花慢

遠鐘消斷夢又霜信到紋窗有六曲屏山四垂斗帳
重錦方牀輕寒畫眉尙懶想留連一線枕痕香無語
因誰悵快何心重理絲簧花房空記舊周郎指印
□鴛鴦悄不堪□□暗塵繡陌淡月幽坊休憑敗紅
寄遠怕驚波侵字不成行坐憶江南信息斷腸蘸甲

清觴

前調

疑涼閑倚竹，奈冉冉碧雲何。愛水檻空明，風疎畫扇，
雪透香羅。惺鬆未成楚夢，看玲瓏清影，罩平坡。便有
一庭秋意，碎蛩聲亂寒莎。銀河不起，織波天似水，
月明多。筭江南，再有賀方回，在空費吟哦。年年自圓
自缺，恨紫簫聲斷，玉人歌謾對雙鴛。素被翠屏十二
嗟峨。

木蘭花令

一聲啼鴉無芳草，南浦晴波雲渺渺。蠹塵珠網滿香

車三十六橋春悄悄
垂楊柳舞吹笙道
紅粉臺空
灰蝶小惜花心性不禁愁
莫放墮香隨去鳥

菩薩蠻

翠鸞不隔巫山路
無人肯指行雲處
徙倚最高樓
秋波春望愁
先來愁似霧
更下絲絲雨
芳徑淺香泥
苔花滑馬蹄

前調

瑤琴欲把相思譜
殷勤難寫相思語
人在碧苔濱
相思烟水深
鱗波流碎月
荏苒年芳歇
何處寄相思
白蘋秋一枝

水龍吟 羈旅

曉星低射疎櫺，帶寒却枕還慵起。炊煙逗屋，隔房人語，燈前行李。霜滑平橋，霧迷衰草，時聞流水。悵雕鞍獨擁，清寒滿袖，入斜月、空山裏。漫把鞭梢暗指，酒旗邊、柴門猶閉。分冰點墨，因風欲寄，梅花萬里。寶帳春慵，夢中肯信，有人顛顚待歸來。別寄倚、新腔換却，淚毫愁紙。

祝英臺近

按此早梅芳近之誤

碧溪灣，疎竹外，正小春天氣。綠珠羞澁，半吐椒紅可。人意月香傳瘦影，露臉凝清淚。笑倡條冶葉，怕冷尙

貪睡 馬行遲雪未霽還憶前村裏青禽啁哳疑是
當時夢初起舊愁歸塞管遠恨滿湘水望江南故人
家萬里

青浦陸我嵩覆校

無絃琴譜拾遺

齊天樂

蟬 見樂府補題

夕陽門巷荒城曲清音早鳴秋樹薄翦綃衣涼生鬢
影獨飲天邊風露朝朝暮暮奈一度淒吟一番淒楚
尙有殘聲驀然飛過別枝去 齊宮往事謾省行人
猶與說當時齊女雨歇空山月籠古柳彷彿舊曾聽
處離情正苦甚嬾拂冰箋倦拈琴譜滿地霜紅淺莎
尋蛻羽

最高樓

爲山村先生壽
見蛻巖詞

張翥

方寸地七十四年春世事幾浮雲躬行齋內蒲團穩
耆英社裏酒杯頻日追遊時嘯咏任天真喜女嫁
男婚今已畢便束帛安車那肯出無一事挂閒身西
湖鷗鷺長爲侶北山猿鶴莫移文願年年湯餅會樂
情親

仁父家餘杭溪上之仇山高文簡爲作山村圖後居
虎林白龜池咸淳間與白湛淵同以詩稱入元又同
應薦爲儒官不達歸老西湖偕林昉吳大有胡仲弓
輩七人江山跌宕以詩酒送年一時若張翥張雨莫
維賢皆出其門著有興觀山村諸集顧其集久佚見
於孟宗寶洞霄詩集湛淵遺藁僅數首而已後人幾
無復稱之者我

朝四庫館開從永樂大典錄金淵集六卷項夢昶又
緝遺集一卷而山村詩始顯於世至其詞清微要渺
與玉堂草窗爲近流傳絕妙周密絕妙好詞朱彝尊

詞綜僅錄二首查爲仁厲鶚從樂府補題采齊天樂一首花草粹編采瑤華慢一首補詞綜僅載入生查子一首此外諸家都未收錄亦不見於宋元藝文補志蓋無絃琴絕響久矣金鎖尚書孫先生曩於纂脩史館時從永樂大典錄得此譜不著撰人姓氏證以觀月詠雪之作知爲山村作久疫篋衍道光己丑長夏命爲覆校爰補蟬詞一闕及伯雨仲舉四作拊焉析爲二卷倣宋十行本付鋟使六百餘年遺編墜簡重見於世非菽林盛事與因志顛末竊以拊名簡尾爲幸云小長蘆馮登府